

"Brisanje" HE Konjic iz Prostornog plana FBiH

24 March 2005

Na inicijativu udruženja "Zeleni - Neretva" iz Konjica Općinsko Vijeće općine Konjic je na svojoj sjednici dana: 14.03.2005. godine usvojilo zahtjev za "brisanje" projekta HE Konjic iz Prostornog plana Federacije Bosne i Hercegovine. Podsjećamo, Prostornim planom iz 1981. godine skoro cijelo područje gornje Neretve (od Konjica uzvodno) je rezervirano za gradnju 4 (četiri) visoke brane sa pripadajućim akumulacijama u cilju proizvodnje el. energije. Također, mada nelogično, istim planom je područje u potezu od Konjica do Glavatičeva (kanjon Neretve) rezervirano za budući nacionalni park. Rezervacija za buduće akumulacije je zaustavila svaki razvoj navedenog područja, a iz razloga da budući investitor (čiji stranac) plati manju od četvrtinu vlasnicima potopljenog zemljišta. Punih 25 godina prije ovog područja u dolini Neretve su trpjeli nepravdu i nisu mogli dobiti potrebne dozvole za gradnju bilo kakve infrastrukture. Takva politika je dovela do iseljavanja ljudi a područje je urbanistički totalno zapušteno. S obzirom da općina Konjic svoj budući razvoj prepoznaje i u turizmu tako je ova odluka OV-a i razumljiva. Međutim, nije razumljivo zašto se toliko čekalo na ovu odluku iako udruženje "Zeleni - Neretva" već 7 (sedam) godina upozorava na ovaj problem. Nije tajna da je rukovodstvo općine Konjic dugo bilo pobornik izgradnje HE Konjic ali srećom da je u međuvremenu "doteklo pameti" i sada je situacija drastično promijenjena. Pored turističkih potencijala ovo područje obiluje i velikim potencijalima pitke vode, međutim isti nisu interesantni investitorima zbog pomenute rezervacije prostora za HE. Nakon ove odluke općinskog vijeća na potezu je Parlament FBiH koji ovu odluku treba potvrditi odnosno promijeniti u Prostornom planu namjenu prostora. Vlada FBiH je u februaru objavila svoj plan za izgradnju novih elektroenergetskih objekata i njegov sažetak ste mogli vidjeti na ovoj stranici. Hidroelektrane na gornjoj Neretvi, prema pomenutom planu, nisu prioritet za gradnju ali to podrazumijeva da prostor i dalje ostaje rezervisan za buduće akumulacije. Čak to znači za vrijeme ovog kraja ne treba posebno pojačavati. Njihov status "ni na nebu ni na zemlji" se nastavlja do daljnjeg ili pak do usvajanja novog prostornog plana Federacije kojeg nema još ni u nacrtima. Istovremeno, Ministarstvo prostornog uređenja i okoliša FBiH nastavlja djelatnosti u vezi stavljanja dijela ovog područja (kanjoni Neretve i Rakitnice) pod zaštitu u vidu nacionalnog parka..Vjerovatno je i to razlog zašto se projekat HE Konjic sve manje spominje u energetske krugovima jer je izgleda konačno došlo do saradnje među resornim ministarstvima po ovom pitanju.